

S-DU IAH-‘EN-GO SHŬ-SING. DI-IH-FONG. 使徒约 翰个书信 第一封

1I'e. I.

Toh-fah-ts-deo ^[1]sô yiu go, z ah-lah t'ing-meng-ko, ts'ing-ngæn k'en-kyin yia ts-si k'en-ko, ping-ts'ia ts'ing-siu moh-ko, keh weh-ming-go Dao; ² (Keh-go weh-ming z yi-kying hyin-c'ih-læ, ah-lah z k'en-kyin-ko, næn-kæn tso te-tsing, pô keh üong-yün weh-ming t'ong-cü ng-lah; gyi peng-læ z teng T'in-Vu dô-kô læ-kæn, yia yi-kying hyin-c'ih-læ peh ah-lah go.) ³ Ah-lah ^[1]sô k'en-kyin sô t'ing-meng-ko, næn-kæn t'ong-cü ng-lah, s-teh ng-lah teng ah-lah hao dô-kô yiu-veng: ah-lah ni, z teng T'in-Vu teng Gyi Ng-ts Yiæ-su Kyi-toh dô-kô yiu-veng-go. ⁴ Ah-lah næn-kæn sia keh-sing z-ken peh ng-lah, s-teh ng-lah hao jih-feng hwun-hyi.

笃发之头所^[1]有个，是阿拉听闻过、亲眼看见也仔细看过、并且亲手摸过、箇活命个道。²（箇个活命是已经显出来，阿拉是看见过，难间做对证，把箇永远活命通知尔拉。其本来是等天父大家来间，也已经显出来拨阿拉个。）³ 阿拉所^[1]看见所听闻过，难间通知尔拉，使得尔拉等阿拉好大家有份。阿拉呢，是等天父等其儿子耶稣基督大家有份个。⁴ 阿拉难间写箇星事干拨尔拉，使得尔拉好十分欢喜。

[1] 此处原书错印为 so

⁵ Ah-lah dzong Gyi sô t'ing-meng go sing-sih, næn-kæn t'ong-cü ng-lah, ziu-z Jing-ming z-go liang-kwông, dzæ-ü Gyi ih-ngæn m-kao en. ⁶ Ah-lah ziah wô z teng Gyi dô-kô yiu-veng,” dzing-gyiu læ en li-hyang læ-tih tseo, z shih-hwông, feh-i tsing dao-li. ⁷ Ziah-z læ liang-kwông li-hyang læ-tih tseo, ziang Gyi læ liang-kwông ka, ah-lah z teng Gyi dô-kô yiu-veng, ping-ts'ia Gyi Ng-ts Yiæ-su Kyi-toh-go hyüih we gyiang ken-zing ah-lah long-tsong ze. ⁸ Ah-lah ziah wô m-neh ze, z zi p'in zi, ping-ts'ia tsing dao-li z feh dzeng-læ ah-lah sing li. ⁹ Ziah-z tsiao-jing zi-go ze, Gyi yi sing-jih, yi kong-yi, we sô-diao ah-lah ze, gyiang ken-zing ah-lah long-tsong ăa-c'ü. ¹⁰ Ah-lah ziah wô zi m-neh væn-ze-ko, keh z sôn Gyi shih-hwông, ping-ts'ia. Gyi-go dao-li feh dzeng læ ah-lah sing-li.

⁵ 阿拉从其所听闻个信息，难间通知尔拉，就是神明是个亮光，在於其一眼旡告暗。⁶ 阿拉若话是等其大家有份，仍旧来暗里向来的走，是说谎，弗依真道理。⁷ 若是来亮光里向来的走，像其来亮光介，阿拉是等其大家有份，并且其儿

子耶稣基督个血会浣干淨阿拉拢总罪。⁸ 阿拉若话旣得罪，是自骗自，并且真道理是弗存来阿拉心里。⁹ 若是招认自个罪，其又信实、又公义，会赦掉阿拉罪，浣干淨阿拉拢总坏处。¹⁰ 阿拉若话自旣得犯罪个，箇是算其说谎，并且其个道理弗存来阿拉心里。

1I'e. II.

Ngô-go siao-nying, ngô sia keh-sing z-ken peh ng-lah, s-teh ng-lah ve ky'i væn-ze. Ziah yiu nying væn-ze, læ T'in-Vu u-sen ah-lah yiu ih-go pao-kô cü-kwu, ziu-z keh kong-yi-go Yiæ-su Kyi-toh: ² Gyi-zi z t'i ah-lah tso wæn-we ze go tsi-veh; feh tæen-tsih wæn-we ah-lah-go ze, yia-z wæn-we 'en-t'in-'ô-go ze. ³ Ah-lah ziah siu-djü Gyi-go lih-fah, ziu hao hyiao-teh z nying-teh Gyi. ⁴ Ziah yiu nying wô, ngô nying-teh Gyi, yi feh siu-djü Gyi lih-fah, keh z shih-hwông, tsing dao-li yia feh dzeng læ gyi sing li. ⁵ Ziah yiu nying siu-djü Gyi-go dao-li, gyi æ-kying Jing-ming go sing tsing-tsing djün-be-de: ziu hao hyiao-teh ah-lah z dzæ-ü Gyi. ⁶ Ziah-yiu nying wô z dzæ-ü Gyi, tông-kæ ziang Gyi-go 'ang-we ka tso-nying. ⁷ Hyüong-di, ngô næn-kæn sia-peh ng-lah, feh-z sing lih-fah, z gyiu lih-fah, ng-lah ih-hyang sô yiu go. Keh gyiu lih-fah z ng-lah su-djông sô t'ing-meng go dao-li. ⁸ Ngô tsæ sia ih-diao sing lih-fah peh ng-lah; dzæ-ü Gyi z tsing-go, dzæ-ü ng-lah yia-z tsing-go: ing-we heh-en yi-kying ko-de, jih-we-go liang-kwông fah-c'ih læ-de. ⁹ Ziah-yiu nying wô z deng-læ liang-kwông li-hyang, wa læ-tih u-su gyi hyüong-di, gyi jih-dzæ z dzing-gyiu deng-læ heh-en li-hyang. ¹⁰ Ziah-yiu nying æ-sih gyi hyüong-di, z deng-læ liang-kwông li-hyang, gyi ziu m-kao soh-go pæn-tih-go z-ken. ¹¹ Ziah-z u-su gyi hyüong-di, z deng-læ heh-en li-hyang, tseo heh-en lu, yia feh hyiao-teh tao 'ah-li ky'i, ing-we heh-en tsô-djü gyi ngæn-tsing.

我个小人，我写箇星事干拨尔拉，使得尔拉膾去犯罪。若有人犯罪，来天父乌碎阿拉有一个保家主顾，就是箇公义个耶稣基督。² 其自是替阿拉做挽回罪个祭物；弗单只挽回阿拉个罪，也是挽回咸天下个罪。³ 阿拉若守住其个律法，就好晓得是认得其。⁴ 若有人话，我认得其，又弗守住其律法，箇是说谎，真道理也弗存来其心里。⁵ 若有人守住其个道理，其爱敬神明个心真正全备了。就好晓得阿拉是在于其。⁶ 若有人话是在于其，当该像其个行为介做人。⁷ 兄弟，我难间写拨尔拉，弗是新律法，是旧律法，尔拉一向所有个。箇旧律法是尔拉素常所听闻个道理。⁸ 我再写一条新律法拨尔拉；在于其是真个，在于尔拉也是真个。因为黑暗已经过了，实惠个亮光发出来了。⁹ 若有人话是庵来亮光里向，还

来的恶愆其兄弟，其实是在仍旧庵来黑暗里向。¹⁰ 若有人爱惜其兄弟，是庵来亮光里向，其就吓告啥个捩跌个事干。¹¹ 若是恶愆其兄弟，是庵来黑暗里向，走黑暗路，也弗晓得到何里去，因为黑暗遮住其眼睛。

¹² Ngô sia sing peh ng-lah siao-nying, ing-we ng-lah-go ze we-leh Gyi-go ming-deo sô-diao-de. ¹³ Ngô sia sing peh ng-lah lao-dzing nying, ing-we ng-lah sih-teh keh-we dzong ky'i-deo yiu-go cü-kwu. Ng sia sing peh ng-lah 'eo-sang, ing-we ng-lah tang-t'e keh-go ôh-kwe. Ngô sia sing peh ng-lah siao-nying, ing-we ng-lah sih-teh T'in-Vu. ¹⁴ Ngô yiu sing sia peh ng-lah lao-dzing nying, ing-we ng-lah sih-teh keh-we dzong ky'i-deo yiu-go cü-kwu. Ngô yiu sing sia peh ng-lah 'eo-sang, ing-we ng-lah z kông-gyang, Jing-ming-go dao-li yia læ ng-lah sing-li, ping-ts'ia ng-lah tang-t'e keh-go ôh-kwe. ¹⁵ Ng-lah m-nao æ-sih shü-kæn-zông, teng shü-kæn-zông-go tong-si. Ziah-yiu nying æ-sih shü-kæn-zông, gyi z m-neh æ-kying T'in-Vu go sing. ¹⁶ Ing-we væn-pah læ shü-kæn-zông-go, 'ôh-tsia nyüoh-sing-go s-yüôh, 'ôh-tsia ngæn-tsing-go s-yüôh, 'ôh-tsia weh-zin-go shæ-wô, tu feh-z dzong T'in-Vu, z dzong shü-kæn-zông ka læ. ¹⁷ Shü-kæn-zông teng t'en shü-kæn-zông-go s-yüôh tu iao ko-ky'i; tsih-yiu i Jing-ming-go ts-i tso go cü-kwu we üong-yün læ-tong.

¹² 我写信拨尔拉小人，因为尔拉个罪为了其个名头赦掉了。¹³ 我写信拨尔拉老成人，因为尔拉识得箇位从起头有个主顾。尔写信拨尔拉后生，因为尔拉打退箇个恶鬼。我写信拨尔拉小人，因为尔拉识得天父。¹⁴ 我又信写拨尔拉老成人，因为尔拉识得箇位从起头有个主顾。我又信写拨尔拉后生，因为尔拉是刚强，神明个道理也来尔拉心里，并且尔拉打退箇个恶鬼。¹⁵ 尔拉吓得好爱惜世间上，等世间上个东西。若有人爱惜世间上，其是吓得爱敬天父个心。¹⁶ 因为凡百来世间上个，或者肉身个私欲，或者眼睛个私欲，或者活前个奢华，都弗是从天父，是从世间上介来。¹⁷ 世间上等贪世间上个私欲都要过去；只有依神明个旨意做个主顾会永远来东。

¹⁸ Siao-nying, næn-kæn z meh-gyih z-shü; ng-lah sô t'ing-meng yiu ih-go Kyi-toh-go te-deo iao læ, næn-kæn yiu hyü-to Kyi-toh-go te-deo yi-kying læ-tong de; ziu hao hyiao-teh z meh-gyih z-shü. ¹⁹ Gyi-lah we li-k'æ ah-lah tseo-c'ih ky'i, peng-læ feh-z ah-lah-go nying; ziah-z ah-lah-go nying tsong-we teng ah-lah dzing læ-tong; dæn-z li-k'æ ts, keh z ming-tông-tông feh-z ah-lah-go nying. ²⁰ Ng-lah be Sing-Ling ken-hwô, ziang fu-yiu ka, yang-yang hyiao-teh. ²¹ Ngô sia sing peh ng-lah, feh-z we-leh ng-lah feh hyiao-teh tsing dao-li, z we-leh ng-lah hyiao-teh-go, ping-ts'ia hyiao-teh væn-pah kô-go feh-z dzong tsing dao-li ka læ. ²² Feh tsiao-jing Yiæ-su z-go Kyi-toh, keh-go cü-kwu ziah feh-z kô-go, jü z kô-go? Feh tsiao-jing

T'in-Vu teng Gyi Ng-ts, ziu-z Kyi-toh-go te-deo.²³ Væn-pah feh tsiao-jing gyi Ng-ts cü-kwu, z m̃-teh gyi Ah-tia: *tsiao-jing gyi Ng-ts cü-kwu, ziu yiu gyi Ah-tia*.²⁴ Ng-lah ih-hyang sô t'ing-meng go dao-li kæ dzeng læ sing-li. Ziah su-djông sô t'ing-meng go dao-li z dzeng-læ ng-lah-go sing-li, ng-lah ziu we dziang dzæ-ü Ng-ts teng Ah-tia.²⁵ Wa-yiu, Gyi ing-hyü ah-lah go, ziu-z üong-yün weh-ming.²⁶ Ngô sia keh-sing z-ken peh ng-lah, z ts-tin keh-sing læ-kæn ta-diao ng-lah go cü-kwu.²⁷ Wa-yiu, ng-lah dzong Gyi sô teh-djôh go fu-yiu z læ ng-lah-go sing-li, yia hao-vong bih-nying kao ng-lah; keh-go fu-yiu kyi-jün z kao? ng-lah yang-yang z-ken, yia-z tsing-go, ih-ngæn m-kao kô-go, tsiao gyi sô kao go, ng-lah hao dziang-t'ong dzæ-ü Gyi.²⁸ Næn-kæn ng-lah, siao-nying hao dziang-t'ong dzæ-ü Gyi; ka-ni, Gyi hyin-c'ih læ z'eo, ah-lah hao fông-sing; Gyi læ-go z'eo, ah-lah læ Gyi min-zin yia feh-we wông-k'ong.²⁹ Ng-lah ziah hyiao-teh Gyi z kong-yi-go, ziu hao hyiao-teh væn-pah kong-yi-go cü-kwu tu z dzong Gyi ka sang-c'ih læ-go.

¹⁸ 小人，难间是末极时世。尔拉所听闻有一个基督个对头要来，难间有许多基督个对头已经来东了；就好晓得是末极时世。¹⁹ 其拉会离开阿拉走出去，本来弗是阿拉个人；若是阿拉个人总会等阿拉长来东。但是离开之，箇是明当当弗是阿拉个人。²⁰ 尔拉被圣灵感化，像傅油介，样样晓得。²¹ 我写信拨尔拉，弗是为了尔拉弗晓得真道理，是为了尔拉晓得个，并且晓得凡百假个弗是从真道理介来。²² 弗招认耶稣是个基督，箇个主顾若弗是假个，谁是假个？弗招认天父等其儿子，就是基督个对头。²³ 凡百弗招认其儿子主顾，是旣得其阿爹。招认其儿子主顾，就有其阿爹。²⁴ 尔拉一向所听闻个道理该存来心里。若素常所听闻个道理是存来尔拉个心里，尔拉就会长在于儿子等阿爹。²⁵ 还有，其应许阿拉个，就是永远活命。²⁶ 我写箇星事干拨尔拉，是指点箇星来间带掉尔拉个主顾。²⁷ 还有，尔拉从其所得着个傅油是来尔拉个心里，也好留别人教尔拉。箇个傅油既然是教尔拉样样事干，也是真个，一眼旣告假个，照其所教个，尔拉好长通在于其。²⁸ 难间尔拉，小人好长通在于其；介呢，其显出来时候，阿拉好放心；其来时候，阿拉来其面前也弗会惶恐。²⁹ 尔拉若晓得其是公义个，就好晓得凡百公义个主顾都是从其介生出来个。

1I'e. III.

Ng-lah *ts'eng-ts'eng-k'en!* *T'in-Vu* dza-nyiang æ-sih ah-lah, s-teh ah-lah hao ts'ing-hwu Jing-ming-go ng-ts. Sô-yi shü-kæn-zông feh sih-teh ah-lah, ing-we sin feh sih-teh Gyi.² Ts'ing-æ-go hyüong-di," ah-lah yin-dzæ z Jing-ming-go ng-ts,

tsiang-læ we dza-go wa feh-zing hyin-c'ih læ: ah-lah tsih hyiao-teh Gyi hyin-c'ih læ z-'eo, tsong we ziang Gyi ka; ing-we hao k'en-kyin Gyi-go ts'ing-sing. ³ Væn-pah læ sing-li yiu keh-go siang-vông cü-kwu tsong we long zi ts'ing-kyih, ziang Gyi-go ts'ing-kyih ka. ⁴ Væn-pah yiu-ze-go cü-kwu z væn lih-fah: væn-ze ziu-z væn-fah. ⁵ Ng-lah yia hyiao-teh Gyi hyin-c'ih læ z iao pô ah-lah-go ze siu-leh-ky'i; Gyi-zi z ih-ngæn m-kao ze. ⁶ Væn-pah dzæ-ü Gyi go feh-we væn-ze: væn-pah væn-ze-go cü-kwu z m̃-teh k'en-kyin Gyi, yia feh sih-teh Gyi. ⁷ Siao-nying, tsong m-nao be nying-kô yiu-'ôh; tso kong-yi go cü-kwu z kong-yi ziang Gyi-go kong-yi ka. ⁸ Væn-ze-go cü-kwu z dzong mo-kwe ka læ; ing-we mo-kwe dzong ky'i-deo ziu væn-ze. Jing-ming-go Ng-ts hyin-c'ih læ, z we-leh iao mih-diao mo-kwe-go z-ken. ⁹ Væn-pah dzong Jing-ming ka sang-c'ih læ cü-kwu feh we væn-ze, ing-we gyi 'ô-tih-go cong sing-li wa dzeng-tih; gyi yia feh neng-keo væn-ze, ing-we z dzong Jing-ming ka sang-c'ih læ-go. ¹⁰ Jing-ming-go ng-ts teng mo-kwe-go ng-ts z-ka hao ming-tông-tông k'en-c'ih; væn-pah feh tso kong-yi go, wa-yiu feh æ-sih gyi hyüong-di go, tu feh-z dzong Jing-ming ka læ. ¹¹ Ing-we ng-lah ih-hyang sô t'ing-meng go 'ao-ling, ziu-z ah-lah kæ dô-kô siang-æ. ¹² M-nao ziang keh dzong ôh-kwe ka læ go Kæ-ing, z sah-diao zi-go ah-di. Soh-go z-ken sah gyi? Ing-we gyi-zi-go 'ang-we ôh-go, gyi ah-di-go 'ang-we kong-yi-go. ¹³ Ngô-go hyüong-di, ziah-z shü-kæn-zông u-su ng-lah, hao-vong gyi-kwa. ¹⁴ Ing-we ah-lah æ-sih hyüong-di, ziu hao hyiao-teh ah-lah z dzong si-lu tsæn-ko tao weh-lu de. Feh æ-sih hyüong-di cü-kwu z dzing-gyiu deng læ si-lu li. ¹⁵ Væn-pah u-su gyi hyüong-di cü-kwu z-go hyüong-siu; ng-lah hyiao-teh væn-pah hyüong-siu z m̃-teh üong-yün weh-ming læ gyi sing li. ¹⁶ *Yiæ-su* we-leh ah-lah ky'i-diao zi-go sing-ming, ah-lah ziu hao hyiao-teh Gyi æ-sih-go sing; ah-lah we-leh hyüong-di yia kæ ky'i-diao sing-ming. ¹⁷ Nying yiu keh shü-kæn-zông-go kô-kyi, ziah k'en-kyin gyi hyüong-di ky'üih-siao dziang-tön, wa we pi-djü gyi æ-lin sing-dziang feh ky'i tsiu-tsi gyi, dza-we yiu æ-kying Jing-ming go sing læ gyi li-hyang ni? ¹⁸ Ngô-go siao-nying, ah-lah m-nao tæen pô k'eo-li-go shih-wô æ-sih nying-kô, tsong-iao pô jih-we-go 'ang-we ky'i æ-sih gyi. ¹⁹ Ziu hao hyiao-teh ah-lah z tsing *dao-li-go*, wa-yiu læ Gyi-go min-zin hao fông-sing. ²⁰ Ah-lah-go sing ziah-z zi tsah-vah zi, Jing-ming pi ah-lah-go sing wa do, yiang-yiang tu hyiao-teh go. ²¹ Ts'ing-æ-go hyüong-di, ah-lah-go. sing ziah m-neh zi tsah-vah zi, læ Jing-ming-go min-zin hao fông-tæn. ²² Wa-yiu, ah-lah væn-pah sô gyiu go tu we dzong Gyi siu-li teh-djôh, ing-we z siu-djü Gyi-go lih-fah, yi tso Gyi. sô hwun-hyi go z-ken. ²³ Gyi-go lih-fah ziu-z eo ah-lah siang-sing Gyi Ng-ts *Yiæ-su* Kyi-toh-go ming-deo, yi dô-kô siang-æ, i-leh Gyi sô feng-fu ah-lah go lih-fah. ²⁴ Siu-djü Gyi

lih-fah. cü-kwu z dzæ-ü Jing-ming, Jing-ming yia dzæ-ü gyi. We-leh Gyi sô s-peh ah-lah go Sing-Ling, hao hyiao-teh Gyi z dzæ-ü ah-lah.

尔拉忖忖看！天父怎样爱惜阿拉，使得阿拉好称呼神明个儿子。所以世间上弗识得阿拉，因为先弗识得其。² 亲爱个兄弟，阿拉现在是神明个儿子，将来会咋个还弗曾显出来。阿拉只晓得其显出来时候，总会像其介；因为好看见其个亲身。³ 凡百来心里有箇个想望主顾总会拢自清洁，像其个清洁介。⁴ 凡百有罪个主顾是犯律法；犯罪就是犯法。⁵ 尔拉也晓得其显出来是要把阿拉个罪收勒去；其自是一眼旣告罪。⁶ 凡百在于其个弗会犯罪；凡百犯罪个主顾是旣得看见其，也弗识得其。⁷ 小人，总旣得好被人家诱惑；做公义个主顾是公义像其个公义介。⁸ 犯罪个主顾是从魔鬼介来；因为魔鬼从起头就犯罪。神明个儿子显出来，是为了要灭掉魔鬼个事干。⁹ 凡百从神明介生出来主顾弗会犯罪，因为其下的个种心里还存的；其也弗能够犯罪，因为是从神明介生出来个。¹⁰ 神明个儿子等魔鬼个儿子是介好明当当看出。凡百弗做公义个，还有弗爱惜其兄弟个，都弗是从神明介来。¹¹ 因为尔拉一向所听闻个号令，就是阿拉该大家相爱。¹² 旣得好像箇从恶鬼介来个该隐，是杀掉自个阿弟。啥个事干杀其？因为其自个行为恶个，其阿弟个行为公义个。¹³ 我个兄弟，若是世间上恶慫尔拉，好留奇怪。¹⁴ 因为阿拉爱惜兄弟，就好晓得阿拉是从死路趲过到活路了。弗爱惜兄弟主顾是仍旧庵来死路里。¹⁵ 凡百恶慫其兄弟主顾是个凶手；尔拉晓得凡百凶手是旣得永远活命来其心里。¹⁶ 耶稣为了阿拉弃掉自个性命，阿拉就好晓得其爱惜个心；阿拉为了兄弟也该弃掉性命。¹⁷ 人有箇世间上个家计，若看见其兄弟缺少长短，还会闭住其哀怜心肠弗去周济其，咋会有爱敬神明个心来其里向呢？¹⁸ 我个小人，阿拉旣得好单把口里个说话爱惜人家，总要把实惠个行为去爱惜其。¹⁹ 就好晓得阿拉是真道理个，还有来其个面前好放心。²⁰ 阿拉个心若是自责罚自，神明比阿拉个心还大，样样都晓得个。²¹ 亲爱个兄弟，阿拉个心若旣得自责罚自，来神明个面前好放胆。²² 还有，阿拉凡百所求个都会从其手里得着，因为是守住其个律法，又做其所欢喜个事干。²³ 其个律法就是讴阿拉相信其儿子耶稣基督个名头，又大家相爱，依勒其所吩咐阿拉个律法。²⁴ 守住其律法主顾是在于神明，神明也在于其。为了其所赐拨阿拉个圣灵，好晓得其是在于阿拉。

1I'e. IV.

Ts'ing-æ-go hyüong-di, m-nao siang-sing ko-tang-ko ling; ng-lah kæ s-s gyi k'en, z dzong Jing-ming ka læ feh z; ing-we shü-kæn-zông yiu hyü-to kô sin-cü-

nying c'ih-læ. ² Z-ka hao hyiao-teh Jing-ming-go ling: væn-pah tsiao-jing Yiæ-su Kyi-toh z dzing-leh nyüoh-sing ka læ-go, keh ziu-z Jing-ming-go ling. ³ Væn-pah feh tsiao-jing Yiæ-su Kyi-toh z dzing-leh nyüoh-sing ka læ-go, keh feh z Jing-ming-go ling; z Kyi-toh te-deo-go, ziu-z ng-lah sô t'ing-meng iao læ go; ping-ts'ia yi-kying læ shü-kæn-zông læ-tong-de. ⁴ Siao-nying, ng-lah z Jing-ming-go nying, z yi-kying tang-ying gyi-lah: ing-we læ ng-lah li-hyang go, pi læ shü-kæn-zông go wa do. ⁵ Gyi-lah z shü-kæn-zông-go nying; sô-yi kông shü-kæn-zông z-ken, shü-kæn-zông yia z t'ing gyi-lah-go shih-wô. ⁶ Ah-lah z Jing-ming-go nying: hyiao-teh Jing-ming-go cü-kwu z t'ing ah-lah-go shih-wô; feh z Jing-ming-go nying z feh t'ing ah-lah-go shih-wô. ⁷ Z-ka tsing *dao-li-go* ling teng zia *dao-li-go* ling hao bin-leh-c'ih. Ts'ing-æ-go hyüong-di, ah-lah kæ dô-kô siang-æ; ing-we æ-sih-go sing z dzong Jing-ming ka læ; wa-yiu væn-pah yiu æ-sih-go sing cü-kwu, tu z dzong Jing-ming ka sang-c'ih-læ, yia-z sih-teh Jing-ming. ⁸ M̃-teh æ-sih-go sing cü-kwu z feh sih-teh Jing-ming; ing-we æ-sih-go *sing* ziu-z Jing-ming-go *sing*. ⁹ Jing-ming ts'a zi-go doh-
yang Ng-ts tao shü-kæn-zông læ, s-teh ah-lah k'ao-djôh Gyi hao weh. Jing-ming æ-sih ah-lah go sing z-ka hyin-c'ih læ-de. ¹⁰ Yia bing feh z ah-lah sin æ-kying Jing-ming, z Jing-ming sin æ-sih ah-lah, ts'a Gyi-zi-go Ng-ts læ wæn-we ah-lah-go ze, keh tsing-tsing z æ-sih-go sing. ¹¹ Ts'ing-æ-go hyüong-di, Jing-ming kyi-jün ka æ-sih ah-lah, ah-lah yia kæ dô-kô siang-æ. ¹² Dzung m-yiu nying k'en-kyin Jing-ming ko. Ah-lah. ziah-z. dô-kô siang-æ, Jing-ming z dzæ-ü ah-lah, ah-lah æ-kying Jing-ming go sing yia djün-be-de. ¹³ Ing-we Gyi. s zi-go *Sing-Ling* peh ah-lah, ziu hao hyiao-teh ah-lah z dzæ-ü Gyi, Gyi yia-z dzæ-ü ah-lah. ¹⁴ T'in-Vu ts'a Gyi-go ng-ts læ tso shü-kæn-zông-go Kyiu-cü, ah-lah z k'en-kyin-ko, yia-z te-tsing keh-go z-ken. ¹⁵ Ziah-yiu nying tsiao-jing Yiæ-su z Jing-ming-go Ng-ts, Jing-ming z dzæ-ü gyi, gyi yia dzæ-ü Jing-ming. ¹⁶ Jing-ming æ-sih ah-lah go sing, ah-lah yia hyiao-teh-go, yia jih-we siang-sing-go. Jing-ming-go *sing* ziu-z æ-sih-go sing; væn-pah dzeng æ-sih sing go, z dzæ-ü Jing-ming, Jing-ming yia dzæ-ü gyi.

亲爱个兄弟，旣得好相信个打个灵；尔拉该试试其看，是从神明介来弗是；因为世间上有许多假先知人出来。² 是介好晓得神明个灵：凡百招认耶稣基督是成勒肉身介来个，箇就是神明个灵。³ 凡百弗招认耶稣基督是成勒肉身介来个，箇弗是神明个灵；是基督对头个，就是尔拉所听闻要来个；并且已经来世间上来东了。⁴ 小人，尔拉是神明个人，是已经打赢其拉。因为来尔拉里向个，比来世间上个还大。⁵ 其拉是世间上个人；所以讲世间上事干，世间上也是听其拉个说话。⁶ 阿拉是神明个人。晓得神明个主顾是听阿拉个说话；弗是神明个人是弗听阿拉个说话。⁷ 是介真道理个灵等邪道理个灵好辨勒出。亲爱个兄弟，阿

拉该大家相爱；因为爱惜个心是从神明介来；还有凡百有爱惜个心主顾，都是从神明介生出来，也是识得神明。⁸ 晓得爱惜个心主顾是弗识得神明；因为爱惜个心就是神明个心。⁹ 神明差自个独养儿子到世间上来，使得阿拉靠着其好活。神明爱惜阿拉个心是介显出来了。¹⁰ 也并弗是阿拉先爱敬神明，是神明先爱惜阿拉，差其自个儿子来挽回阿拉个罪，箇真正是爱惜个心。¹¹ 亲爱个兄弟，神明既然介爱惜阿拉，阿拉也该大家相爱。¹² 从晓得有人看见神明过。阿拉若是大家相爱，神明是在于阿拉，阿拉爱敬神明个心也全备了。¹³ 因为其赐自个圣灵拨阿拉，就好晓得阿拉是在于其，其也是在于阿拉。¹⁴ 天父差其个儿子来做世间上个救主，阿拉是看见过，也是对证箇个事干。¹⁵ 若有人招认耶稣是神明个儿子，神明是在于其，其也在于神明。¹⁶ 神明爱惜阿拉个心，阿拉也晓得个，也实惠相信个。神明个心就是爱惜个心；凡百存爱惜心个，是在于神明，神明也在于其。

¹⁷ We-leh ka, ah-lah æ-sih-go sing z djün-be-de, tao sing-p'un nyih-ts ah-lah yia hao fông-sing; ing-we ah-lah læ keh-go shü-kæn-zông tsing-hao ziang Gyi ka. ¹⁸ Dzæ-ü æ-sih-go sing z m-kao p'ô-gyü; djün-be æ-sih-go sing we ken-c'ih keh-go p'ô-gyü; ing-we p'ô-gyü ziu-z p'ô ying-vah. P'ô-gyü-go cü-kwu, gyi æ-sih-go sing wa m-neh djün-be. ¹⁹ Ah-lah z æ-kying Gyi, ing-we Gyi sin æ-sih ah-lah. ²⁰ Ziah-yiu nying wô; 'ngô z æ-kying Jing-ming,' wa-we u-su gyi hyüong-di, keh-z shih-hwông-go: ing-we nying, ziah feh æ-sih gyi sô k'en-kyin go hyüong-di, dza neng-keo æ-kying m-neh k'en-kyin go Jing-ming? ²¹ Ping-ts'ia ah-lah yi-kying ziu keh-go feng-fu, ziu-z; Æ-kying Jing-ming go cü-kwu yia kæ æ-sih gyi hyüong-di.

¹⁷ 为了介，阿拉爱惜个心是全备了，到审判日子阿拉也好放心；因为阿拉来箇个世间上正好像其介。¹⁸ 在于爱惜个心是晓得告怕惧；全备爱惜个心会赶出箇个怕惧；因为怕惧就是怕刑罚。怕惧个主顾，其爱惜个心还晓得全备。¹⁹ 阿拉是爱敬其，因为其先爱惜阿拉。²⁰ 若有人话，「我是爱敬神明，」还会恶嫌其兄弟，箇是说谎个。因为人，若弗爱惜其所看见个兄弟，咋能够爱敬晓得看见个神明？²¹ 并且阿拉已经受箇个吩咐，就是，爱敬神明个主顾也该爱惜其兄弟。

1I'e. V.

Væn-pah siang-sing Yiæ-su z Kyi-toh go, z dzong Jing-ming ka sang-c'ih-læ; wa-yiu væn-pah æ-kying sang Gyi go cü-kwu, yia we æ-sih Gyi sang-c'ih læ-go. ²

Ah-lah ziah æ-kying Jing-ming, siu-djü Gyi-go lih-fah, ziu hao hyiao-teh ah-lah z æ-sih Jing-ming-go ng-nô. ³ Ing-we ah-lah siu-djü Gyi-go lih-fah, ziu-z æ-kying Jing-ming: Gyi-go lih-fah yia feh-næn. ⁴ Væn-pah dzong Jing-ming ka sang-c'ih-læ, z tang-ying shü-kæn-zông; tang-ying shü-kæn-zông go neng-ken z ah-lah-go siang-sing-go sing. ⁵ Jü neng-keo tang-ying shü-kæn-zông, tsih-yiu siang-sing Yiæ-su z Jing-ming-go Ng-ts cü-kwu?

凡百相信耶稣是基督个，是从神明介生出来。还有凡百爱敬生其个主顾，也会爱惜其生出来个。² 阿拉若爱敬神明，守住其个律法，就好晓得阿拉是爱惜神明个儿因。³ 因为阿拉守住其个律法，就是爱敬神明。其个律法也弗难。⁴ 凡百从神明介生出来，是打赢世间上。打赢世间上个能干是阿拉个相信个心。⁵ 谁能够打赢世间上，只有相信耶稣是神明个儿子主顾？

⁶ Keh yüong shü teng hyüih læ-go cü-kwu ziu-z Yiæ-su Kyi-toh: Gyi feh tæntsih yüong shü, z yüong shü teng hyüih. Tso te-tsing go z Sing-Ling, ing-we Sing-Ling z jih-we-go. ⁷ Læ t'in-zông yiu sæn-go tso te-tsing, ziu-z T'in-Vu, teng keh-go Dao, teng Sing-Ling: keh sæn-go ziu-z ih-go. ⁸ Læ di-zông yia yiu sæn-go tso te-tsing, ziu-z Sing-Ling, teng shü, teng hyüih: keh sæn-go yia-z 'eh-r we-ih-go. ⁹ Ah-lah ziah tsih-ziu nying-go te-tsing, Jing-ming-go te-tsing z yü-kô do: ing-we keh z Jing-ming t'i Gyi ng-ts sô tso go te-tsing. ¹⁰ Siang-sing Jing-ming-go Ng-ts cü-kwu yiu keh-go te-tsing læ gyi sing-li: feh siang-sing Jing-ming go cü-kwu z sôn Jing-ming shih-hwông; ing-we feh siang-sing Jing-ming t'i Gyi-go Ng-ts sô tso go te-tsing. ¹¹ Keh-go te-tsing ziu-z, Jing-ming yiu üong-yün weh-ming s-peh ah-lah-go, ping-ts'ia keh-go weh-ming z dzæ-ü Gyi Ng-ts. ¹² Yiu Jing-ming-go Ng-ts cü-kwu yiu weh-ming; m̃-teh Jing-ming-go Ng-ts cü-kwu m̃-teh weh-ming.

⁶ 箇用水等血来个主顾就是耶稣基督。其弗单只用水，是用水等血。做对证个是圣灵，因为圣灵是实惠个。⁷ 来天上有三个做对证，就是天父、等箇个道、等圣灵。箇三个就是一个。⁸ 来地上也有三个做对证，就是圣灵、等水、等血。箇三个也是合而为一个。⁹ 阿拉若接受人个对证，神明个对证是愈加大。因为箇是神明替其儿子所做个对证。¹⁰ 相信神明个儿子主顾有箇个对证来其心里。弗相信神明个主顾是算神明说谎；因为弗相信神明替其个儿子所做个对证。¹¹ 箇个对证就是，神明有永远活命赐拨阿拉个，并且箇个活命是在于其儿子。¹² 有神明个儿子主顾有活命；旆得神明个儿子主顾旆得活命。

¹³ Ngô sia keh-sing z-ken peh ng-lah, siang-sing Jing-ming Ng-ts-go ming-deo cü-kwu, z s-teh ng-lah hao hyiao-teh yiu üong-yün weh-ming; yi s-teh ng-lah hao siang-sing Jing-ming Ng-ts-go ming-deo. ¹⁴ Wa-yiu, ah-lah ziah tsiao Gyi-go ts-i

gyiu ze-bin soh-si, Gyi we t'ing ah-lah, keh z ah-lah fông-tæn *siang-sing* Gyi go.¹⁵ Kyi-jün hyiao-teh gyiu ze-bin soh-si Gyi we t'ing ah-lah, yia hao hyiao-teh ah-lah sô gyiu Gyi go tong-si z yi-kying teh-djôh-de.¹⁶ Ziah-yiu nying k'en-kyin gyi hyüong-di væn ih-yiang ze, feh-z si-ze, gyi kæ gyiu-gyiu, *Jing-ming* ziu we cing gyi keh-sing feh væn si-ze go cü-kwu hao weh-de? Yiu ih-yiang ze z si-ze: ngô feh wô, kæ dæ-teng gyi gyiu.¹⁷ Væn-pah feh kong-yi-go z-ken tu z ze: feh-z si-ze yia yiu.¹⁸ Ah-lah hyiao-teh væn-pah dzong Jing-ming ka sang-c'ih læ-go feh-we væn-ze; z dzong Jing-ming sang-c'ih læ-go tsong-we kwu-djôh zi, keh ôh-kwe yia gying-sing feh-long.¹⁹ Ah-lah hyiao-teh ah-lah z dzong Jing-ming ka læ, 'en shü-kæn-zông tu [1]zo-ze liao-go.²⁰ Ah-lah hyiao-teh Jing-ming-go Ng-ts yi-kying læ-de, yi s-peh ah-lah ming-liang hao sih-teh tsing-go cü-kwu; ah-lah yia dzæ-ü tsing-go cü-kwu ziu-z dzæ-ü Gyi-go Ng-ts Yiæ-su Kyi-toh. Keh? ziu-z tsing-go Jing-ming, yia-z üong-yün weh-ming.²¹ Siao-nying, ng-lah yüong kwu-djôh m-nao pa nyi-su moh-tiao. Üô-meng.

¹³ 我写箇星事干拨尔拉，相信神明儿子个名头主顾，是使得尔拉好晓得有永远活命；又使得尔拉好相信神明儿子个名头。¹⁴ 还有，阿拉若照其个旨意求随便啥西，其会听阿拉，箇是阿拉放胆相信其个。¹⁵ 既然晓得求随便啥西其会听阿拉，也好晓得阿拉所求其个东西是已经得着了。¹⁶ 若有人看见其兄弟犯一样罪，弗是死罪，其该求求，神明就会准其箇星弗犯死罪个主顾好活了。有一样罪是死罪。我弗话，该代等其求。¹⁷ 凡百弗公义个事干都是罪。弗是死罪也有。¹⁸ 阿拉晓得凡百从神明介生出来个弗会犯罪；是从神明生出来个总会顾着自，箇恶鬼也近身弗拢。¹⁹ 阿拉晓得阿拉是从神明介来，咸世间上都坐罪^[1]了个。²⁰ 阿拉晓得神明个儿子已经来了，又赐拨阿拉明亮好识得真个主顾。阿拉也在于真个主顾就是在于其个儿子耶稣基督。箇就是真个神明，也是永远活命。²¹ 小人，尔拉用顾着旣得好拜泥塑木雕。亚们。

[1] 'Ôh wô; læ-tih i-dzong ôh-go dziu-dih. 或话，来的依从恶个仇敌。（原注）